

# 卷一

書名 春秋穀梁註疏二十卷  
 撰者 晉 范甯 集解, 唐 陸德明 音義, 唐 楊士勛 疏  
 卷 卷一  
 內容分類 經 春秋 春秋穀梁 唐  
 索書號 經部 彙刻 1  
 編號 A 329600

[彩色首頁1](#)

[東洋文化研究所漢籍目錄 編號: A 329600](#)

[東洋文化研究所漢籍目錄所藏漢籍善本全文影像資料庫 索書號: 經部 彙刻 1](#)

[漢籍善本全文影像資料庫文本春秋穀梁註疏二十卷](#)

版權所有: [東京大學](#) [東洋文化研究所](#)

[使用上的注意事項](#)

春秋穀梁註疏隱公卷第一  
一起元年 盡三年

晉范甯集解

唐楊士勛疏

## 春秋穀梁傳隱公第一

**疏**

春秋至第一。釋曰春秋者此書之大名傳之解經

隨條即釋故冠大名於上也名曰春秋者以史官  
 編年記事年有四時之序春先於夏秋先於冬故  
 舉春秋二字以包之賈逵云取法陰陽之中知不  
 然者以孝經云春秋祭祀以時思之豈是取法陰  
 陽之中故知非也玉藻云動則左史書之言則右  
 史書之左史所書春秋是也右史所書尚書是也  
 則春秋立名必是仲尼以徃三代以來不審誰立  
 之耳仲尼所修謂之經經者常也聖人大典可常  
 遵用故謂之經穀梁所修謂之傳不敢與聖人同  
 稱直取傳示於人而已故謂之傳魯世家隱公名





息姑惠公之子周公八世孫以平王四十九年即位隱者諡也周書諡法曰隱拂不成曰隱魯雖侯爵據臣子言之故謂之公說文第訓次謂次第之中當其一故謂之第一

**元年春王正月** **隱**公之始年周王之正月也杜預曰

凡人君即位欲其體元以居正故不言一年一月也


○正音征又如 **隱**公至月也○釋曰何休註公字後皆放此 **羊**取春秋緯黃帝受圖立五始以

為元者氣之始春者四時之始王者受命之始正月者政教之始公即位者一國之始五者同日並見相

須而成又云惟王者然後改元立號春秋託新王受命於魯故因以錄即位公羊又云王者孰謂謂文王

也故范云隱公之始年周王之正月以異之不然公者不嫌非隱何煩此註明知為排公羊說也所書之

公即魯隱所用之歷即周正安在黜周王魯也又所改正朔雖是文王頒於諸侯非復文王之歷受今王



之歷言文王之正非也又何休言諸侯不得改元則元者王之元年非公之元年公之即位不在王之元年安得同日並見共成一體也言既不經故范所不引杜預之言以解之元者氣之本善之長人君當執大本長庶物欲其與元同體故年稱元也正月直方之間語直其行方其義人君當秉直心仗大義欲其常居正道故月稱正也以其君之始年歲之始月故特立此名以示義其餘 **雖無事必舉正月謹始也** 皆即從其數不復改也 **雖無事必舉正月謹始也**

**謹君即位之始** **雖無事必舉正月謹始也** 雖無至始也○釋曰此言無事

一時無事也云謹始也 **公何以不言即位** **據文公**

者謹人君即位之始 **公繼正即位正也** 桓繼故即位非正故不

**言即位** **據文公言即位** ○釋曰不據桓公者文

據 **成公志也** **成** 隱讓桓之志焉成之言君之不取

為公也

**國**

言隱意不取為魯君也公君也上言君下

言公互辭

馬於度反

君之不取為公何也將以讓桓也

讓桓正乎曰不正

**國**

隱長桓幼

長丁丈反又作丈音同

**國**隱

幼。釋曰傳云讓桓不正註何以知隱長桓幼不是隱嫡桓庶者若隱嫡桓庶先君焉得欲立之隱焉得探先君邪心而讓之傳言天倫則貴賤春秋成人之相似可知又云受之天子隱非嫡明矣

美不成人之惡隱不正而成之何也將以惡桓也

不明讓者之善則取者之惡不顯


之惡烏各反下註之惡同惡桓烏

路反下其

**國**

春秋至桓也。釋曰此云春秋成人之惡桓同

美下云春秋貴義而不貴惠顯言春秋者讓者人之善事而傳稱小道危疑之理恐人不信故廣稱春秋之理以明之下既以隱為善又惡其不



亦恐人不信故言春秋貴義而不貴惠也。不顯。釋曰謂不言公之即位是明讓者之善讓者之善既明則取其惡桓何也隱將讓而桓弑之

則桓惡矣桓弑而隱讓則隱善矣善則其不正焉何

也

據善無不正

弑申志反又作殺如字後皆同

春秋貴義而不

貴惠

惠謂私惠信道而不信邪

信申字古今所

共用

信音申邪似嗟反下及註皆同

孝子揚父之美不揚父之惡

先君之欲與桓非正也邪也雖然既勝其邪心以與

隱矣

終歸之於隱是以正道制邪心已探先君之

邪志而遂以與桓則是成父之惡也兄弟天倫也



兄先弟後天之倫次○探吐南反為子受之父為諸侯受

之君國隱為世子親受命於惠公為魯君已受之於

天王矣已廢天倫而忘君父以行小惠曰小道也國

弟先於兄是廢天倫私以國讓是忘君父國○小道也釋曰

伯夷叔齊及太伯等讓國史傳所善今隱讓國而云

小道者伯夷為世子其父尚存兄弟交讓而歸周父

沒之後國人立其中子可謂求仁而得仁故以為善

今隱公上奉天王之命下承其父之託百姓已歸四

鄰所與苟探先君之邪心而陷父於不義開篡弑之

原啓賊臣之路卒使公子翬乘釁而動自害其身故

謂之小道至於太伯則越禮之國若隱者可謂輕于乘

高以興周室不可以常人難之國未履居正之道國○乘繩證反諸

侯之國賦于乘

踏道上徒報反履

行之名也下如字

三月公及邾儀父盟于昧國邾附庸之國昧魯地音誅

國名儀父凡人名字皆音甫後放此更不音誅

重音昧音蔑地名左氏作蔑註下皆同國及者何

內為志焉爾國內謂魯也儀字也父猶傳也男子之


美稱也國傳師傳附庸之君未王命例稱名善其結

信於魯故以字配之○美稱尺證反其不言邾子何也國據


莊十六年邾子卒稱邾子邾之上古微未爵命於周

也國邾自此以上是附庸國○上時掌反不日其盟渝也

日者所以謹信盟變故不日七年公伐邾是也不



日人實反不日謂不書日也穀梁皆以  
 日月為例他皆放此淪羊朱反變也  
 此云及傳云內為志焉爾二年公會戎于潛傳云會  
 者外為主焉則下六年公會齊侯盟于艾亦是外為  
 主公及戎盟于唐亦是內為志外內之意別故傳辨  
 彼我之情也案齊侯祿父則以父為名此父為傳者  
 以春秋之例諸侯卒例名經云齊侯祿父卒無取字  
 義故知父是名也今儀父既有所善故知父是男子  
 之美稱也經善其結信貴而字之傳又云不日其盟  
 淪也經傳相違者以附庸之君能結信於魯故以美  
 稱稱之但結盟之後信義不固魯更伐邾故去日以  
 惡之所謂善惡兩舉春秋之義也知非例不日者案  
 二年秋八月庚辰公及戎盟于唐六年夏五月辛酉  
 公會齊侯盟于艾彼皆書日故知非例不日今此不  
 日故知為淪盟畧之也左氏惟大夫卒及日食以日  
 月為例自餘皆否此傳凡是書經皆有日月之例者  
 以日月相承其事可悉史官記事必當具文豈有大  
 聖修撰而或詳或畧故知無日者仲尼畧之身衰賤



耳○附庸至配之○釋曰案莊五年秋鄆犁來來  
 朝稱名故知此善其結信於魯故以字配之也不善  
 彼朝而善此盟者朝事大國附庸常  
 禮齊盟結信所以安社稷故貴之也  
**昧地名也**

**夏五月鄭伯克段于鄆**  
 段有徒眾攻之為害必深故

謹而月之鄆鄭地  
 鄆音○段有至鄭地○釋曰  
 偃地名○案下四年九月衛人殺

祝吁于濮傳曰其月謹之也范云討賊例時也衛人  
 不能即討祝吁致令出入自恣故謹其時月所在以  
 著臣子之緩慢也此云為害必深故謹而月之彼祝  
 吁以二月弑君衛人以九月始討傳云其月謹之也  
 明知謹臣子之緩慢此無歷時之事傳云段之有徒  
 眾也故知為害必深故謹而月爾莊九年齊人殺無  
 知不書月者無知雖復歷年時月尚淺又無重害故  
 直書時也宣十一年楚人殺陳夏徵舒書月者為陳  
 不能討而外藉楚  
**克者何能也何能也能殺也何**  
 力故禍害深也



以不言殺見段之有徒眾也。言鄭伯能殺則邦人

不能殺矣。知段眾力彊盛唯國君能殺之。見賢

伯獨行理不能殺而云唯國君能殺之者。段藉母弟

之權乘先君之寵得眾人之情遂行弑君之計。百姓

畏憚莫不斂手而鄭伯既為人君有威怒之重自為

戎首設賞罰之柄故軍師用命戰士爭先。段鄭伯弟

也何以知其為弟也。殺世子母弟目君以其目君知


其為弟也。母弟同母弟也。目君謂稱鄭伯。段鄭

也。釋曰殺世子母弟皆目君傳何以知非世子者

左氏公羊亦以段為鄭伯之弟故此傳亦同之。舊解

以為世子申生傳曰目晉侯斥殺惡晉侯也。宋公殺

世子傳無明解同例可知。故范云產之罪不予明矣



然則書殺世子例目君稱世子其罪誅者即不書今

段目君而不云世子是第可知理亦通耳不及取二

傳為證後進易曉宣十七年公弟叔肸卒傳曰賢之

也彼為賢稱弟則不賢去弟乃是其常而下傳云弗

謂弟貶之也者天王殺其弟佖夫彼佖夫無罪而稱

弟今段不稱公子又不稱弟故云貶之又且相殺之

例與尋常異故知。段弟也而弗謂弟公子也而弗謂

公子貶之也。段失子弟之道矣。賤段而甚鄭伯也。

賤段謂不稱公子公弟甚鄭伯謂目君也。何甚乎鄭

伯甚鄭伯之處心積慮成於殺也。雍曰段恃寵驕

恣彊足當國鄭伯不能防閑以禮教訓以道縱成其

遠也猶曰取之其母之懷中而殺之云爾甚之也

段奔走乃至於郟去已遠矣鄭伯猶追殺之何以異

於探其母懷中赤子而殺之乎君殺大夫例不地甚

鄭伯之殺弟故謹其地

十年晉殺其大夫里克昭


之也又昭十一年楚子虔誘蔡侯般殺之申傳曰

稱地謹之也明此然則為鄭伯者宜奈何緩追逸賊

親親之道也君親無將將而必誅焉此蓋臣子之

道所犯在已故可以申兄弟之恩君親至之恩

三年公羊傳文



秋七月天王使宰咺來歸惠公仲子之賵

宰官咺名

仲字子宋姓也婦人以姓配字明不忘本示不適同

姓也妾子為君賵當稱諡成風是也仲子乃孝公時

卒故不稱諡賵例時書月以謹其晚

之母也與左氏傳同

賵芳鳳反及下同

不言及仲子仲子微也左氏亦以仲子為桓之母今

穀梁以為孝公之妾惠公之母者以文九年秦人來

歸僖公成風之襚彼若兼歸二襚則先書成風既經

段

卷之七

及古




故也然則魯女得並稱伯姬叔姬宋女何為不得並稱仲子也又仲子不稱夫人者文九年秦人來歸僖公成風之從傳稱秦人弗夫人也即外之弗夫人而見正焉則此不稱夫人理亦當然也文五年春王正月王使榮叔歸舍且贈傳曰其不言來不周事之用也仲子乃孝公時卒而云來者秦人能遠慕中華君子恕而不責其晚故言來又書時今平王能崇禮諸侯因惠公之喪而來歸贈故亦恕而不責言來也秦近西戎能慕中國故時而不月京師路近故謹而月之范以不責秦而不書月故知書月者是謹識之文文五年傳云不周事之用也而經書月則周事之用合書時故註云贈例時書月以謹其晚也

**以子氏**

妾不得體君故以子為氏平王新有幽王之亂遷于成周欲崇禮諸侯仲子早卒無由追贈故

因惠公之喪而來贈之仲子者何惠公之母孝公之



妾也禮贈人之母則可贈人之妾則不可君子以其

可辭受之其志不及事也

常事不書贈者何也乘

馬曰贈衣衾曰禭貝玉曰含錢財曰賻

四馬曰乘

合口實。乘繩證反禭音遂舍。贈者至曰賻。釋戶墻反又作哈賻音附。曰士喪禮賻用兩馬此用乘馬者禮大夫以上皆乘四馬故賻用乘馬馬數雖同其馬大小則異故何休云天子馬曰龍高七尺以上諸侯曰馬高六尺以上卿大夫士曰駒高五尺以上是也士喪禮賻并有玄纁束公羊傳亦云賻者以馬以乘馬束帛何休云束帛謂玄纁二玄三法天纁二法地是也謂之賻者何休云賻猶覆也當覆被亡者之身休又云賻猶助也皆助生送死之禮禮猶遺也遺是助死之禮知生者賻賻知死者賻多或少之數喪大記小斂之衣皆十九稱大斂之衣君

百稱大夫五十稱士三十稱天子蓋百三十稱斂衣稱數不同則所歸祿服亦當有異但所歸者未必具其稱先儒無說不敢斷其多少也舍者實口之名周禮玉府大喪共舍玉則天子用玉禮雜記論諸侯弔舍之事云將命者執璧委於殯東是諸侯用璧士喪禮舍用米貝是士用米貝莊子云徐徐別其頰無傷口中珠或大夫用珠也其多少之數士喪禮用貝三則天子以下同用三明矣何者實口當無多少之異故也舊說云大夫當五諸侯當七天子當九非也禮弓舍用米貝以喪大記約之則天子米當用黍諸侯用梁大夫士用稷也案雜記之文諸侯舍必當用璧文五年註云諸侯舍用玉又此傳直云貝玉曰舍者璧亦是玉之別故同禮子男執璧亦同謂之玉故傳舉貝玉總之也或以為禮緯天子用珠諸侯用玉大夫用璧士用貝又此傳貝玉曰舍故范氏不取禮記之文而云諸侯舍用玉也若從前解禮緯之文特為先代法則於理通耳



九月及宋人盟于宿傳及者何內卑者也宋人外卑者

也卑者之盟不日傳卑者謂非卿大夫也凡非卿大

夫盟信之與不例不日傳及者至不日釋曰盟會

下序此言及者是魯之微人傳云卑者之盟不日則

公卿之盟書日可知故文二年三月乙巳及晉處父

盟莊二十二年秋七月丙申及齊高侯盟彼雖不言

公以公實在故亦書日又二年秋八月庚辰公及戎

盟于唐襄三年六月公會云云已未同盟於雞澤是稱公而書日襄二十七年秋七月辛巳豹及諸侯之大夫盟于宋是卿盟亦日此不書日是卑者例不書日八年傳云外盟不日詳內而畧外也其間有內之公卿不日外盟亦日皆當條別有義耳定十一年註云平不日亦有惡矣則平亦有日月之例也宿邑名也



冬十有二月祭伯來禮來者來朝也其弗謂朝何也寰

內諸侯非有天子之命不得出會諸侯不正其外交

故弗與朝也禮天子畿內大夫有采地謂之寰內諸

侯禮祭側界反朝直遙反寰音縣古縣字一音

環一音患寰內圻內也畿本或作圻音祈 聘弓

鏃矢不出竟場束脩之肉不行竟中有至尊者不貳

之也禮聘遺所以結二國之好將彼我之意臣當稟


命於君無私朝聘之道禮鏃音候又音侯竟音境本

呼報反稟禮來者至之也禮釋曰天子畿內大夫奉

彼錦反禮王命當言聘此不奉王命據無君言之

故傳云不與朝也寰內者王都在中諸侯四面遠之

故曰寰內也祭伯者范雖不註傳云諸侯則伯為爵



也聘弓鏃矢者麋信云聘問也古者以弓矢相聘問

故左傳云楚子問卻至以弓爾雅釋器云金鏃翦羽

謂之鏃郭璞云今之鐔箭是也束脩之肉者脩脯也

謂束脯之肉也臣無竟外之交故弓矢不出竟場在

禮家施不及國故束脩之肉不行竟中謂之竟場者

竟是疆界之名至此易主故謂之疆場不貳之者言

臣當一一稟君命無自專之道也范註莒慶之下引

禮束脩之問不出竟董仲舒曰大夫無束脩之饋言

雖有異其

意皆同也

公子益師卒禮大夫日卒正也禮君之卿佐是謂股肱

股肱或虧何痛如之故錄其卒日以紀恩不日卒惡

也禮惡故畧之禮大夫至惡也禮釋曰五年冬十有


月壬申公子季友卒皆書日今不書日故云惡之益

師之惡經傳無文蓋春秋之前有其事也麋信云益

師不能防微杜漸使桓弑隱若益師能以正道輔隱則君無推國之意桓無篡弑之情所言亦無案據也何休云公羊以為日與不日為遠近異辭若穀梁云益師惡而不日則公子牙及季孫意如何以書日乎鄭君釋之曰公子牙莊公弟不書弟則惡明也故不假去日季孫意如則定公所不惡故亦書日是鄭意亦以為惡故不日也

二年春公會戎于潛凡年首月承於時時承於年文

體相接春秋因書王以配之所以見王者上奉時承天而下統正萬國之義然春秋記事有例時者若事在時例則時而不月月繼事末則月而不書王書王必皆上承春而下屬於月文表年始事莫之先所以



致恭而不贖者他皆放此唯桓有月無王以見不奉

王法爾南蠻北狄東夷西戎皆底羗之別種潛魯地

會例時見王賢編反下同屬章玉反贖徒木反放甫往反後此例不音底丁今反本又作氏種

章勇凡年至例時。釋曰春秋二百四十二年反無王一百有八桓無王者以見不奉王法餘

公無王者為無正月不得言王凡書首時者六十有

二若以正月首時者亦得書王何者以時雖無事年

時月皆備故亦書王則莊十有一年春王正月十有

九年春王正月皆月下無事而書王是也若月承於

時時承於年年下有事書王配之者則莊三年春王




朝傳曰諸侯來朝時正也莊十年二月公侵宋傳曰  
 侵時惡之故謹而月之二十三年春公至自齊傳曰  
 往時正也故此年春公會戎于潛五年春公觀魚于  
 棠皆不書月是也其有書月之類皆有故始書耳註  
 又云月繼事末則月而不書王者謂年首已有事下  
 雖有月亦不得書王若八年春宋公衛侯遇于垂下  
 文三月鄭伯使宛來歸郕是也致恭而不驕者謂  
 恭敬於王不敢驕慢者也會例時者四年夏公及宋  
 公遇於清九年冬公會齊侯于防是也若然十年春  
 王二月公會齊侯鄭伯于中丘十一年夏五月公會  
 鄭伯于時來而書月者范云天告雷雨之與而不知  
 戒懼反更數會故危之是有故始書月明無故例時  
 也

**傳**會者外為主焉爾知者慮也  
 察安審危音智義

**者行**臨者能斷  
 亂反仁者守眾之所歸守必  
 堅固如字

○守有此三者然後可以出會會戎危公也



無此三者不可以會而况會戎乎

者慮謂卿為司徒主教民察民之安危也義者行謂  
 卿為司馬司馬主斷制也仁者守謂卿為司空司空  
 主守也人君之行二卿從一卿守然後可會中國之  
 君桓無三臣之策而出會齊侯身死於外故重起例  
 明其不可是以此註云無此三臣不可以會而况會  
 戎乎兼為桓公生此意也此既危公而不月者徐邈  
 云會戎雖危有三臣之助不  
 至于難故不月也理或然焉

**夏五月莒人入向**入例時惡甚則日次惡則月他皆

放此反惡烏角反並同入例至放此釋曰入

亦時也故五年秋衛師入邾十年秋宋人衛人入鄭  
 皆不月是也惡甚則日者八年庚寅我入邾傳曰日  
 入惡入者也十年冬十月壬午齊人鄭人入邾傳曰  
 日入惡入者也經書日傳特發云惡入也則書日是

大惡之例書日既為大惡則書月者次惡書時有小惡知書時亦惡者傳云入者內弗受也則稱人者亦是惡也內不受此已發例下入極復言之者向者佗入我極者我人佗恐內外不同故兩發以同之或以為書時者無惡

但事自惡耳 入者內弗受也 入無小大苟不以罪則義皆不可受向我邑也 自魯而言故曰我也


無佻帥師入極 二千五百人為師 佻音該又戶楷反左氏作駭

入者內弗受也極國也 諱滅同姓故變滅言入傳

例曰滅國有三術中國日舉國月夷狄時極蓋舉國也內謂所入之國非獨魯也

五年襄六年傳文也 獨魯也 釋曰宣上

苟焉以入人為志者人亦入之矣不稱氏



者滅同姓貶也 滅同姓貶也 釋曰左氏無駭八年乃賜族則為無族可稱此傳云

不稱氏者滅同姓貶也則以無佻舊有氏公羊無駭者何展無駭也何以不氏貶曷為貶疾始滅也然則此傳貶意雖與公羊異或當先號展氏也

秋八月庚辰公及戎盟于唐 傳例曰及者內為志焉

爾唐魯地

九月紀履緌來逆女 不親逆則例月重錄之親逆則

例時 履緌音須左氏作裂孺下註同 不親至例時 釋曰莊十四年夏公如齊逆女書

時此則書月故云不親 逆女親者也 親者謂自

逆之也使大夫非正也以國氏者為其來交接於我




故君子進之也

**國**

傳例曰當國以國氏卑者以國氏

進大夫以國氏國氏雖同而義各有當公子公孫篡君代位故去其氏族國氏以表其無禮齊無知之徒是也若庶姓微臣雖為大夫不得爵命無代位之嫌既不書其氏族當知某國之臣故國氏以別之宋萬之倫是也履緌以名繫國著其奉國重命來為君逆得接公行禮故以國氏重之成九年宋不書逆女以其逆者微今書履緌亦足知其非卑者公羊傳曰春秋貴賤不嫌同號美惡不嫌同辭左氏舍族之例或



厭以尊君或貶以著罪此傳隱公去即位以明讓莊公去即位以表繼弑文同而義異者甚眾故不可以

一方求之

○為其于偽反註來為同有當丁浪反故去起呂反下同以別彼列反美惡烏路反

又如字舍族音

**疏**

傳例至求之○釋曰齊無知衛

人楚公子比亦弑君取國不以國氏者商人不欲以嫌代嫌楚公子比不是弑君之主故皆稱公子不以

國氏也此云履緌知非卑者傳云逆之道微指言不親逆畧之不稱使非謂履緌卑也註廣引公羊左氏

者以證國氏不同之意并明褒貶殊致也貴賤不嫌同號美惡不嫌同辭隱七年公羊傳文也滕是小國

爵稱侯齊是大國亦止稱侯是貴賤不嫌同號文公繼嗣君而稱即位桓公繼弑君亦言即位是美惡不

嫌同辭或厭以尊君成十四年僑如以夫人婦姜氏至自齊宣元年遂以夫人婦姜至自齊是也或貶以

著罪若四年翬帥師會宋公云云伐鄭襄二十七年  
豹及諸侯之大夫盟於宋是也不可以一方求之者  
言國氏雖同本意各異故不可以一方求之是以廣引文同義異以為證也

冬十月伯姬歸于紀伯姬魯女禮婦人謂嫁曰歸

反曰來歸嫁而曰歸明外屬也反曰來歸明從外


至反謂為夫家所遣禮婦至來歸釋曰婦人謂嫁曰歸此伯姬歸于紀是也

反曰來歸宣十六年從人者也婦人在家制於父既

嫁制於夫夫死從長子婦人不專行必有從也伯姬

歸于紀此其如專行之辭何也曰非專行也吾伯姬

歸于紀故志之也其不言使何也怪不言使履綸



來逆女長丁專行之辭釋曰麋信云不稱使

稱逆者此直云伯姬歸故問之下云吾伯姬歸故志之也明佗逆者不足錄故與內夫人至與也

之道微無足道焉爾言君不親迎而大夫來逆故

曰微也既失其大不復稍明其細故不言使履綸也

○迎魚敬反逆之道微釋曰成八年宋公使公

復扶又反孫壽來納幣註云婚禮不稱主人宋

公無主婚者自命之故稱使此紀侯有母母使履綸

文不稱使正是常事而云逆之道微故去使者納幣

禮合使卿宋公身自命之故云使逆女非親不得故

云逆之道微而去使文也以逆女與納幣異故彼此

紀子伯莒子盟于密密莒地○子伯如字長或曰

也左氏作子帛



紀子伯莒子而與之盟○紀子以莒子為伯而與之盟伯長也或曰年同爵同故紀子以伯先也○年爵

雖同紀子自以為伯而先○或曰至先也。釋曰上先莒子為伯而與之盟下文以伯先者謂紀子推自以為伯而居先再言或曰者失其真故也

十有二月乙卯夫人子氏薨○夫人薨例曰夫人曰薨

從夫稱○稱尺○為桓公之母公羊以為隱公之母

穀梁知是隱公之妻者以隱推讓據其為君而亦稱公故其妻亦稱夫人也夫既不葬故其妻亦不葬以經文上下符合故為隱妻而左氏桓未為君其母稱夫人是亂嫡庶也公羊以為隱母則隱見為君何以不書葬若以讓不書葬何為書夫○夫人薨不地○夫人子氏薨故穀梁子以為隱妻也○夫人薨不地○



夫人無出竟之事薨有常處○處曰月○夫人者隱之妻

也卒而不書葬夫人之義從君者也○隱弑賊不討

故不書葬

鄭人伐衛○傳例曰斬樹木壞宮室曰伐伐例時○壞

又戶○傳例至例時。釋曰傳例曰者五年傳文怪反○也伐既例時此伐衛文承月下者日月自為魯夫人薨故上註云夫人薨例日是也

三年春王二月己巳日有食之○杜預曰日行遲一歲

一周天月行疾一月一周天一歲凡十二交會然日

月動物雖行度有大量不能不小有盈縮故有雖交

會而不食者或有頻交而食者唯正陽之月君子忌之故有伐鼓用幣之事京房易傳曰日者陽之精人君之象驕溢專明為陰所侵則有日有食之災不救必有篡臣之萌其救也君懷謙虛下賢受諫任德日食之災為消也

○日有食之本亦作蝕音伺後皆倣此量音亮下遐嫁反為消于偽反

**釋**二月至食之。釋曰此經不書朔傳云食晦日也則此食必當晦日但不知是何月晦也徐邈云巳為二月晦則三月不得有庚戌也明宣十年四月丙辰十七年六月癸卯皆是前月之晦也則此巳巳正月晦冠以二月者蓋交會之正必主於朔今雖未朔而食著之此月所以正其本亦猶成十七年十月壬申而繫之十一月也取前月之日而冠以後月故不得稱晦以其不得稱晦知非二月晦也未審范意



如何穀梁之例書日食凡有四種之別故此二月巳巳日有食之傳云言日不言朔食晦日也桓十七年冬十月朔日有食之傳云言朔不言日食既朔也彼是二日食矣又莊十八年三月日有食之傳云不言日不言朔夜食也又桓三年七月壬辰朔日有食之既傳云言日言朔食正朔也是有四種之別公羊以為此二月巳巳不言朔者是二日食也左氏以為不為朔者史失之並非穀梁意耳。杜預至消也。釋曰依歷家之說日一日一夜行天一度月一日一夜行天十三度十九分度之七天有三百六十五度四分度之一故日行一歲一周天計月逐及日之時不啻周天但舉其大率耳日月相及而為交會謂之一月計一年之中有十二交會則應每月常食而有不食之時故解之但日月動物其行也或盈或縮故雖交會而有不食之時或亦有頻交而食也雖交會而不食者謂春秋二百四十二年唯三十七日食是也頻交而食者則襄二十一年九月十月食二十四年七月八月食是也京房漢人字君明頓丘人也本



姓李推律自定為京氏為傳言日不言朔食晦日也

易作傳故曰京房易傳也傳其日有食之何也吐者外壤食者內壤傳凡所吐出

者其壤在外其所吞咽者壤入於內傳○壤而丈反吞

咽於傳闕然不見其壤有食之者也傳今日闕損而不

見反傳知壤之所在此必有物食之傳○見如字又賢徧反有內辭也或

外辭也傳邵曰食者內壤故曰內辭吐者外壤故曰

外辭傳無外辭之文者蓋時無外壤也而曰或外辭

者因事以明義例爾猶傳云三穀不升謂之饑四穀

不升謂之康亦無其事傳○饑渠客反有食之者內於日也



**註**內於日以壤不見於外傳○見賢徧反又如字其不言食之者

**何也知其不可知也**傳○不可知知也上傳其日至

釋曰傳問經意其稱日有食之何也傳又申說之吐

者外壤謂凡所吐出其壤在外也食者內壤謂凡吞

食者壤入於內也闕然不見其壤有食之者也者謂

日既闕損不知壤之所在必有物食之有內辭也或

外辭也者謂日食有兩種之辭據書內壤故言有內

辭不書外壤故曰或外辭也有食之者內於日也者

謂日食既有二辭今直云有食之者為日之所壤在

於內也其不言食之者何也者謂經不書月食日也

謂之大侵

三月庚戌天王崩平王也高曰崩梁山崩厚曰

崩沙鹿崩尊曰崩天子之崩以尊也其崩之何也

以其在民上故崩之其不名何也大上故不名也


夫名者所以相別爾居人之大在民之上故無所名

○大竝如字夫音符發何之端皆同別彼列反

夏四月辛卯尹氏卒文三年王子虎卒不日此日者

錄其恩深也尹如字周大夫也左氏作君氏文三至深也

王子虎即叔服也會葬在文元年三年王子虎始卒其恩已殺故直錄其卒而不書其日尹氏三月詔魯



人尹四月卒故痛而日之是恩深於叔服也尹氏者何也天子之大夫

也外大夫不卒此何以卒之也於天子之崩為魯主

故隱而卒之隱猶痛也周禮大行人職曰若有大

喪則詔相諸侯之禮然則尹氏時在職而詔魯人之

尹者不書官名疑其譏世卿相息亮反隱猶至世

魯人之尹者叔孫得臣如京師經書名氏今不見其名蓋微者也疑其譏世卿者穀梁無傳唯據公羊故

云疑也

秋武氏子來求賻天王使不正稱月今無君不稱使

故亦畧而書時天王至書時○釋曰桓十五年二月天王使冢父來求車是不正



也文九年春毛伯來求金與此武氏子並不月者皆為無君不稱使畧而稱時也正而時者則凡伯南季是也祭伯來私出竟故書月以表不正祭叔來聘亦不請於王不正可知故不復月等不請王命祭伯寔內諸侯故不言朝祭叔大夫故不言使而言聘也

**武氏子者何也天子之**

**大夫也天子之大夫其稱武氏子何也未畢喪孤未**


**也** **平王之喪未殯未爵使之非正也其不言使何**

**也** **據桓十五年天王使冢父來求車稱使無君也**

**桓王在喪朱卽位故曰無君歸死者曰賵歸生者**

**曰賵曰歸之者正也求之者非正也** **喪事無求而**

**有則賵周雖不求魯不可以不歸魯雖不歸周不可**



**以求之求之為言得不得未可知之辭也交譏之**

未可至譏之。釋曰王者有求得在不疑而云未可知者以王者求之非道容有辭說故云未可知也交譏之者交猶俱也指事而書則周魯之非俱見也

**八月庚辰宋公和卒** **天子曰崩諸侯曰薨大夫曰卒**

周之制也春秋所稱曲存魯史之義內稱公而書薨所以自尊其君則不得不畧外諸侯書卒以自異也

至於既葬雖邾許子男之君皆稱諡而言公各順臣

子之辭兩通其義鄭君曰禮雜記上曰君薨赴於他

國之君曰寡君不祿敢告於執事曲禮下曰壽考曰

卒短折曰不祿君薨赴而云不祿者臣子之於君父

雖有壽考猶若短折痛傷之至也若赴稱卒是以壽

終無哀惜之心非臣子之辭鄰國來赴書以卒者無

老無幼皆以成人之稱亦所以相尊敬後皆同短于

緩反折時設反下同疏天子至尊敬釋曰曲禮

有壽市又反又如字與公羊傳文也何休稱死而

異名曰別尊卑也葬傳諸侯曰卒正也正謂承嫡

不別者從恩殺畧也諸侯曰卒正也。釋曰據正始故發傳也。謂承嫡。釋曰僖十七年冬十有二月乙亥齊侯

謂承嫡。釋曰僖十七年冬十有二月乙亥齊侯

小白卒彼非正而書日者以莊九年齊小白入于齊

國氏及入則不正之事已見故於卒不復見之而依

常書日耳註外盟不

日者八年傳文也

冬十有二月齊侯鄭伯盟于石門傳例曰外盟不日

石門齊地

癸未葬宋繆公傳日葬故也危不得葬也天子七月

而葬諸侯五月而葬大夫三月而葬傳例曰諸侯時

葬正也月葬故也日者憂危最甚不得備禮葬也他

皆放此徐邈曰文元年傳曰葬曰會言有天子諸侯


之使共赴會葬事故凡書葬皆據我而言葬彼所以

不稱宋葬繆公而言葬宋繆公者弔會之事賙禭之

命此常事無所書故但記卒記葬錄魯思義之所及



則哀其喪而恤其終亦可知矣若存沒隔絕情禮不  
 交則卒葬無文或有書卒不書葬蓋外雖赴卒而內  
 不會葬無其事則闕其文史策之常也穀梁傳稱變  
 之不葬有三弑君不葬國滅不葬失德不葬言夫子  
 修春秋所改舊史以示義者也弑君之賊天下所當  
 同誅而諸侯不能治臣子不能討雖葬事是供義何  
 足算亡國之君喪事不成則不應書葬失德之主無  
 以守位故沒葬文傳於宋襄公著失民之咎宋共公  
 發非葬之問言伯姬賢而不答共公不能弘家人之



禮然則為君者外之不足以全國內之不足以正家  
 皆所謂失德而終禮宜貶者也于時諸國多失道不

可悉去其葬故於二君示義而大體明矣○繆音穆本亦作穆

之使所吏反下同策本又作策初革反算素

緩反數也宋共公音恭本又作恭去起呂反


明矣○釋曰天子七月而葬云云隱元年左傳文諸

侯時葬正也襄七年傳文月葬故也隱五年傳文日

者憂危最甚此傳云日葬故也危不得葬也是也變

之不葬有三云云昭十三年傳文弑君不葬者若十  
 一年公薨不書葬是也國滅不葬者若紀侯大去其  
 國雖賢終不書葬是也其陳哀蔡靈書葬者閔二國  
 不與楚滅之也失德不葬者僖二十三年宋公茲父  
 卒成十五年宋公固卒是也外之不足以全國者謂  
 宋襄也內之不足以正家者謂宋共也

春秋穀梁註疏隱公卷第一終



春秋穀梁註疏隱公卷第二 起四年盡十一年

晉范甯集解

唐楊士勛疏

四年春王二月莒人伐杞取牟婁 傳例曰取易辭也

伐國不言圍邑言圍邑皆有所見伐國及取邑例時

此月者蓋為下戊申衛君完卒日起也凡例宜時而

書月者皆緣下事當日故也日必繼於月故不得不

書月事實在先故不得後錄也他皆放此 杞音起

易以豉反見賢徧反蓋為于偽反 **疏** 傳例至放此釋曰取易辭也十年傳文伐國不言圍邑五